

CARRIÈRAS OCCITANAS : ACTE II

MANIFESTACION OCCITANA *PER UNA CULTURA POPULARA*



ACCIONS • FÈSTA • SOSCADISSA • RAMBALH !

FAGAM LO PUÈG VIU!

17 • 18 D'OCTOBRE DE 2026 • MONTSEGUR (09)

www.carrieras-occitanas.eu

creation: mulla @camp levi x jani levi

Dètz annadas après las manifestacions d'*Anem Ôc, Carrièras Occitanas* contunha d'afirmar l'occitan coma lenga viva, populara e de societat.

L'an passat a Vilafranca de Roergue fasquèrem las carrièras occitanas tot en portant l'ostal de Joan Petit. Fusquèrem nombroses a voler fèr moviment.

Alara, contunhem de balhar vam a un moviment que sosten l'idèa qu'avèm besonh de diversitat culturala tant coma de diversitat ecologica o umana. Defendam una lenga per totes, que nos permeta de créisser amassa dins una societat dubèrta, conscienta de son environament coma de son istòria. Mes un pòble pòrta collectivament sa cultura, mes es capable de s'organizar, de crear, d'aculhir e de partejar.

Dins aquela dralha apelam a una manifestacion massiva a Montsegur les 17 e 18 d'octobre.

Que li digan castèl catar o fortalesa reiala, Montsegur es d'en primièr un luòc de refugi que simboliza a l'ora d'ara la resisténcia de totas las minoritats contra l'empèri.

A l'encontre d'una museificacion a fum de calhau, fascam de Montsegur un espaci viu e d'emancipacion.

Amassa, bastiscam un fare sus aqueste puèg, qu'esclaire Occitània tota e nos dubrisca al monde.

**CONCÈRTS, CONFERÉNCIAS E ACCIONS
SIAGAM NOMBROSES !**